



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

13. Clericus.

urn:nbn:de:hbz:466:1-41559

bus causis non debet probari, idem de clausula continente contrahētium qualitatem, dum allegatur se esse nobiles, aut ex principioribus sui oppidi, quando ponitur merè narrando; secus, quando per modum causæ, & conditionis, *lib. 8. disp. 34. nu. 24. & 25.*

Clericus.

1 Percutiens clericum inuentum cum sponsa de futuro, est excommunicatus cum reservatione ad Summum Pontificem; secus dicendum de sponsa de præsentī, etiam nondum cognita, *lib. 1. disp. 1. nu. 6.*

2 Clerici audientes comœdias propter curiositatem, sine periculo ruinæ, non peccant mortaliter, cessante scandalo & contemptu, *lib. 9. disp. 46. nu. 41.*

3 Clericus coniugatus non amittit ipso iurisdictiones datas pro ministerio merè temporali, vel pro re gesta in defensionem Ecclesiæ, vel quia est aduocatus illius. Idem dicendum, si Pontifex reseruet pensionem alicui eâ lege, ut possit eam retinere, si ad ordinem Militarem transeat, & legitimè professus ineat matrimonium. Secus dicendum de pensione alicui collata, titulo clericali, ut loco beneficij, licet sit constituta sine onere spiritali, nisi aliud constet ex tenore literarum pensionis, *lib. 7. disp. 44. à nu. 2. usque ad 8.*

4 Clericus coniugatus cum vnica, & virgine, deferens tonsuram, & vestes clericales, & seruiens alicui Ecclesiæ ex deputatione Episcopi,

D

scopi, gaudet priuilegio canonis, & fori; secus dicendum, quando contraxit bis, aut cum vnica, & virgine, & non defert vestes clericales, aut tonsuram, aut non ministrat Ecclesie, *lib. 7. disp. 46. n. 1. & 2.* Quando autem ex aliqua causa non est bigamus, vel quia non consummauit secundum matrimonium, vel quando post initum matrimonium cum vnica, & virgine, illa commisit adulteriũ, & cognouit eam, seruando alias condiciones non perdit priuilegiũ canonis, & fori; & factus bigamus gaudet priuilegio fori; quoad delictum ante bigamiam commissum. *ibid. nu. 3. & 4.*

5 Vestes clericales extrinsecus apparentes debent esse honeste, secundum consuetudinem suae terrae, vel Episcopatus, vt gaudeat priuilegio, *lib. 7. disp. 46. nu. 5. & 6.* Cuius autem sit cognoscere, an habeat condiciones requisitas, & vestes clericales, vt gaudeat priuilegio fori, & an lite hæc pendenti custodiendus in carcere Ecclesiastico, an non? Non resolutio Doctor, *ibid. nu. 7.*

6 Clericus coniugatus non amittit priuilegium per vnã aut alteram habitus dimissionem, dummodò continuò illum deferat, vt quia non habet tonsuram, quia capillis caret. *lib. 7. disp. 46. nu. 8. & 9.*

7 Clericus coniugatus debet deferre tonsuram, & vestes clericales tempore commissi delicti, vt gaudeat priuilegio fori; secus dicendum de delatione habitus tempore capturae, *ibid. nu. 8.*

8 Clericus coniugatus, præter priuilegium fori & canonis, reputatur in alijs laicus, quæ omnia priuilegia perdit per matrimonium tantum ratum, non verò per sponsalia, nec potest esse Vicarius Episcopi in spiritualibus, nec delegatus ad causam spirituales. Potest tamen esse assessor, vel vicarius in temporalis iurisdictione, si fortè eam habeat Episcopus: item nõ potest interesse diuinis officijs tempore interdicti: nisi aliud constet ex consuetudine, nec habet priuilegium immunitatis, quoad gabellas, & munera sæcularia, *lib. 7. disput. 46. à num. 12. vsque ad 19.*

9 Vt clericus coniugatus, seruans conditiones requisitas, amittat cætera priuilegia clericalia, præter duo, scilicet canonis, & fori, non desideratur monitio aliqua, vel sententia iudicis, *lib. 7. disp. 44. nu. 19.*

10 Clericus coniugatus seruans omnia requisita, gaudet priuilegio fori in causis criminalibus, & in ciuilibus minimè, & potest iudex pro executione causæ ciuilibis eum in carcerem detrudere, *ibid. nu. 23.*

11 Clericus coniugatus seruans omnia requisita, nõ amittit priuilegium canonis, & fori, si negotiationibus vacet, *ibid. nu. 26.*

12 Clericus coniugatus cum vnica, & virgine, vestes clericales, & tonsuram deponens, resumptis illis iterum, mortuâ vxore, recuperat priuilegia clericalia, *ibidem, numero 29. & 30.*

13 Clericus ^{it} infatus cum literis dimissorijs Capituli, Sede vacanti, quando eas concedere nequit, non amittit priuilegia clericalia ipso facto absque sententia, *ibid. nu. 18. & 20.*

14 Clericus, cum quo dispensatum est ad matrimonium ineundū, tenetur recitare horas canonicas, dum habitum non mutat ad vtendum dispensatione. Secus dicendum, vbi induit habitum sæcularem, *lib. 8. nu. 11.* Idem dicendum, de religioso, *ibid.*

Cognatio carnalis.

1 Consanguinitas est vinculum personarum ab eodem stipite descendentiū carnali propagatione cōtractum. Distinguitur per lineas, & gradus. Linea dicitur ordinata collectio personarum, ab vno stipite descendentiū diuersos continēs gradus. Gradus est habitudo, seu mensura distantiarū personarū, quā cognoscitur, quotā consanguinitatis distantiā aliqui cōsanguinei cōiungantur. Linea est triplex, altera ascendentiū, vt pater, auus, altera descendentiū, vt filius, nepos. Altera transuersa, siue collateralis, vt fratres, quæ diuiditur in æqualem, & inæqualem. *lib. 7. disp. 50. nu. 1. & 2.*

2 Stipes est persona illa, a qua omnes personae de quarū coniunctione tractatur, descendunt & originem ducunt, *ibid. num. 3.*

2 Quando persona, cuius gradus queritur est in linea recta ascendentiū, vel descendentiū, cum alia, si inter ipsam, & alteram personam nulla persona mediet, sunt illæ in primo